

8951.

1371 oktober 15.

Avignon.

(Påven Gregorius XI) tillskriver Tord Gunnarsson, domprost i Västerås och baccalaureus i kanonisk rätt. Eftersom de kyrkliga tjänsterna med och utan själavård vid domkyrkorna, vilka tjänster erhållits genom befordran av utfärdarens företrädare påven Urban V, tidigare reserverats för utfärdarens kollation och disposition, och då preposituren vid Västerås domkyrka för närvarande är vakant, vilken tjänst Lars (Boberg), vald biskop i Västerås, innehade vid tiden för sin befordran, providerar utfärdaren Tord med nämnda prepositur, efter supplik av kung Håkan av Sverige och Norge. Tord uppges även vara magister in artibus och ha studerat kanonisk rätt under fem år. Prepositurens årliga avkastning sägs ej överstiga 20 mark silver. Beslutet skall ej hindras av tidigare påvliga medgivanden till biskopen i Västerås eller domkapitlet därstädes m.fl., eller av att Tord innehar kanonikat och prebenda vid Linköpings domkyrka, vilkas årliga avkastning ej överstiger 6 mark silver.

Efter samma formulär utfärdar påven skrivelse till ärkebiskopen i Uppsala, dekanen i S:t Agricols kyrka i Avignon och ärkedjåknen i Uppsala. Brevmottagarna ombeds att låta motta Tord Gunnarsson som domprost, personligen eller genom ombud, och tillse att prepositurens alla inkomster och rättigheter redovisas för honom.

Reg. Aven. 175, fol. 323v–324r, Vatikanarkivet.

Om Tord Gunnarsson se G. Ekström, Västerås stifts herdaminne I:1 (1939), s. 424, och M. Collmar, Strängnäs stifts herdaminne I (1977), s. 51 ff. Jfr även DS nr 8864. Om hans innehav av kanonikatet i Linköping se H. Schück, *Ecclesia lincopensis* (1959), s. 435.

Dilecto filio Thordoni Gunnari preposito ecclesie Arosiensis, bacallario<sup>a</sup> in decretis, salutem et cetera. Litterarum sciencia, vite ac morum honestas aliaque probitatis et uirtutum merita / super quibus apud nos fidedigno commendaris testimonio, nos inducunt, ut tibi reddamur ad gratiam liberales · Dudum siquidem in nostrj apostolatus primordiis omnes dignitates, personatus et officia ceteraque beneficia ecclesiastica cum cura et sine cura, que promoti · per felicis recordacionis Vrbanum · papam · v · predecessorem nostrum ad quarumcumque cathedralium ecclesiarum regimina tempore promocionum huiusmodi obtinebant, tunc vacancia et inantea vacatura collacioni et dispositioni nostre duximus reseruanda / decernentes extunc irritum et inane, si secus super hiis <sup>b-a</sup> quoquam<sup>b</sup> quauis auctoritate scienter uel ignoranter conti[n]geret<sup>c</sup> attemptari / Cum itaque postmodum prepositura ecclesie Arosiensis · quam dilectus filius Laurencius electus Arosiensis tempore promotionis de ipso per eundem predecessorem facte ad ecclesiam Arosiensem tunc vacantem obtinebat, per huiusmodi promocionem et lapsum temporis de consecrandis episcopis <sup>d-a</sup> canonibus<sup>d</sup> diffiniti<sup>e</sup> vacauerit et vacare noscatur ad presens · nullusque<sup>f</sup> de ipsa prepositura preter nos hac vice disponere potuerit neque possit reseruacione et decreto obsistentibus supradictis / nos volentes tibi, qui, ut asseritur, eciam in artibus magister existis et per quinquennium continuum in iure canonico studuisti, premissorum meritorum tuorum intuitu<sup>g</sup> necnon consideracione carissimi in *Christo* filij nostrj Haquini, Swecie et Norwegie regis illustris pro te nobis super hoc humiliter supplicantis · gratiam facere specialem · pefatam preposituram, que, ut asseritur, dignitas in dicta Arosiensi ecclesia existit · et<sup>h</sup> cuius fructus, redditus et prouentus viginti marcharum argenti secundum communem extimacionem valorem annum, ut asseritur, non excedunt, siue per lapsum temporis huiusmodi siue per obitum eiusdem electi vacantem, eciam si prepositura ipsa curata existat et ad eam per eleccionem consueuerit quis assumi, cum omnibus iuribus et pertinenciis suis apostolica tibi auctoritate conferimus et de illa eciam prouidemus, decernentes, prout est, irritum et inane, si secus super hiis a quoquam quauis auctoritate scienter uel ignoranter attemptatum forsitan est hactenus uel contigerit inposterum attemptari / non obstantibus quibuscumque statutis et consuetudinibus ipsius ecclesie contrariis iuramento, confirmacione apostolica uel quacumque firmitate alia roboratis / aut si aliqui super prouisionibus sibi faciendis de dignitatibus, personatibus uel officiis in dicta ecclesia speciales uel de beneficiis

ecclesiasticis in illis partibus generales · apostolice sedis uel legatorum eius litteras impetrarint, eciam si per eas ad inhibicionem, reseruacionem et decretum uel alias quomodolibet sit processum, quibus omnibus in assecucionem prepositure predictae te · volumus anteferri / sed nullum per hoc eis quoad assecucionem dignitatum, personatum uel officiorum aut beneficiorum aliorum preiudicium generari / seu si episcopo, qui est <sup>i</sup>pro tempore,<sup>i</sup> et dilectis filiis capitulo · Arosiensi uel quibusuis aliis communiter uel diuisim <sup>j</sup>a dicta<sup>j</sup> sit sede iudultum, quod ad recepcionem uel prouisionem alicuius minime teneantur et ad id compelli non possint / quodque de dignitatibus, personatibus uel officiis ipsius ecclesie uel aliis beneficiis ecclesiasticis ad eorum collacionem, prouisionem, presentacionem, eleccionem · se[*u*]<sup>k</sup> quamuis aliam disposicionem coniunctim uel separatim spectantibus nulli valeat · prouideri · per litteras apostolicas non facientes plenam et expressam ac de uerbo ad uerbum de indulto huiusmodi mencionem / et qualibet alia dicte sedis iudulgencia generali uel specialj, cuiuscumque tenoris existat · per quam presentibus non expressam uel totaliter non insertam effectus huiusmodi nostre gracie impediri valeat quomodolibet uel differri / et de qua cuiusque toto tenore habenda sit in nostris litteris mencio specialis / aut si presens non fueris <sup>l</sup>ad prestandum<sup>l</sup> de obseruandis statutis et consuetudinibus ipsius ecclesie solitum iuramentum, dummodo in absentia tua per procuratorem ydoneum et cum ad ecclesiam ipsam accesseris, corporaliter illud prestes / seu quod in ecclesia Lincopensi canonicatum et prebendam, quorum fructus · sex marcharum argenti communi extimacione ualorem annuum, ut asseritur, non excedunt, nosceris obtinere. Nulli ergo <sup>m</sup>et cetera nostre collacionis, prouisionis, constitucionis et voluntatis infringere et cetera.<sup>m</sup> Datum Auinione · jdu Octobris, anno primo /

In eodem modo<sup>n</sup> venerabili fratri archiepiscopo Vpsalensi et dilectis filiis decano · sancti Agricoli Auinionensis ac archidiacono Vpsalensis ecclesiarum salutem et cetera. Litterarum sciencia et cetera usque "obtinere" / Quocirca discrecioni uestre per apostolica scripta mandamus · quatenus uos uel duo aut vnus uestrum per uos uel alium seu alios prefatum Thordonem uel procuratorem suum eius nomine in corporalem possessionem prepositure ac iurium et pertinenciarum predictorum iuducatis auctoritate nostra / et deffendatis<sup>o</sup> iuductum amoto exinde quolibet detentore · facientes ipsum uel dictum procuratorem pro eo ad preposituram predictam, ut est moris, admitti / sibique de ipsius prepositure fructibus, redditibus, prouentibus, iuribus et obuencionibus vniuersis jntegre responderi / non obstantibus omnibus supradictis / aut si eisdem episcopo et capitulo uel quibusuis aliis communiter uel diuisim <sup>p</sup>a prefata<sup>p</sup> sede iudultum existat · quod interdici, suspendj uel excommunicari · non possint per litteras · apostolicas · non facientes plenam et expressam ac de uerbo ad uerbum de indulto huiusmodi mencionem, contradictores auctoritate nostra et cetera. Datum ut supra.

<sup>a</sup> D.v.s. baccalaureo. <sup>b-b</sup> Hopskrivet ms. <sup>c</sup> contigeret ms. <sup>d-d</sup> Hopskrivet ms. <sup>e</sup> D.v.s. definiti. <sup>f</sup> Härefter överstruket preter nos ms. <sup>g</sup> Härefter överstruket gratiam ms. <sup>h</sup> Tillagt över raden ms. <sup>i-i-j-j</sup> Hopskrivet ms. <sup>k</sup> se ms. <sup>l-l</sup> Hopskrivet ms. <sup>m-m</sup> För i formuläret utelämnade ord se t.ex. DS nr 8704. <sup>n</sup> Härefter överstruket dilectis ms. <sup>o</sup> D.v.s. defendatis. <sup>p-p</sup> Hopskrivet ms.